

EMEK JOSEPH ENIM KE AKAMBA ITIE

Genesis 41:37-57

QYQHỌ UKPEP-ŊKPỌ 36

Eke Mkparawa

IKỌ IBUOT: “**Ŋkedi eyenọwọ, ndien ndi ebiowo ŋko; ŋkanam nkwe nte ekpọnde eti owo, nte ubon esie onyū esanade inọk**” (Psalm 37:25).

Ediyarade Emi Omode Abasi

Ifiok emi okodude ke Joseph ama enem Pharaoh esit. Enye ama onim mme ndap emi Joseph akakabarede ọnọ enye, onyū onyime ete ke ọfọ ndibemba mba mme isua akañ eke edidide ke mme isua eduek ema ebe. Ido Pharaoh nte edidem emi mikofioke ata Abasi ama owut akamba ifiok akan ediwak mme owo ke eyo mfin. Ikọ Abasi etiñ ọnọ nnyin abañ mme ubiere-ikpe eke edidide ke isọ; onyū ọnọ nnyin ediwak mme idiọñ ke abañ mme ŋkpọ eke ediworode mbemiso Oboñ nnyin afiak edi, edi mme owo esin ndibeñe idem man esobo ye Abasi. Ke ini mmọ edidade ke iso Esie ke usen ikpe, mmọ idinyeneke se efanade idem ebañ, koro Ikọ Abasi ama ọnọ mme anam idiok anana ibat ntọt, Enye omonim mme nti ikọt Esie nte mme ekpeme obio emi efioride ntọt ke abañ nsobo emi ebetde mme anam idiok, edi mmọ esin ndida ntọt emi.

Ke eyo mme ete nnyin ke mbuotidem, mme owo ikenyeneke Edisana Nwede Abasi Ibom ndinọ mmọ item, ntre Abasi ekesitiñ ikọ ọnọ mme owo ebe ke ndap kpa nte Enye akanamde ye Pharaoh. Ndusuk ini Abasi ekesitiñ ikọ ọnọ mme Prophet ke usuñ emi ye ke mme nkukut; edi ke eyo nnyin Abasi etiñ ebe ke Eyen Esie, ŋko nnyin imenyene Nwede Abasi ndida nnyin usuñ (Mme Hebrew 1:1, 2). Ndusuk ini Abasi ekeme ndiyarare ŋkpọ ke ndap nnọ eyen Esie ekededi, edi ediwak owo emi ekade iso nditiñ mbañ ete imenyene saña-saña ediyarade emi omode Heaven edi mme Anditiñ-ntiñ nnim ikọ abiañ, ŋko mme ndap mmọ itoho Abasi. Utọ mme Anditiñ ntiñ nnim ikọ oro ema edu ke eyo Moses. Edi Enye eketiñ ebe ke Spirit Abasi ete edieke mmọ edabade ndap, mme enamde utibe ŋkpọ eke misaake ikekem ye mbet Abasi, “Kukop mme ikọ prophet oro, mme eke adaba ndap oro: koro JEHOVAH Abasi mbufo ododomo mbufo, ete ifiok mme mbufo emema JEHOVAH Abasi mbufo ke ofuri esit mbufo, ye ke ofuri ukpọ mbufo” (Deuteronomy 13:3). Edieke nnyin inyenede ima akpanikọ ke esit nnyin, Spirit eyeyarade uduak Esie ọnọ nnyin; ŋko nnyin idisaake aba ye nsu mme adaba ndap.

Enọ Joseph Akamba Itie

Pharaoh ama ọfiok ete ke Abasi odu ye Joseph, ŋko enye anam ekikere ete ke iduhe owo eti ibuat efen ikan Joseph eke ekemede ndinam ọkpọsọ utom editim udia mbon ke isua eduek itiaba man akpada ọbọk mme owo ke obio ke mme isua akañ itiaba. Mme owo ke mme obio efen ekena nte edi ke Egypt edidep udia ke ini akañ okosimde mme obio mmọ.

Ini ukut Joseph ama ebe. Ikanaha enye aka iso ọbọ ufen oto usua nditọ ete esie; enye ama onyū ete ŋko ndinam utom nte ofin, mme ndidu ke ndutuhọ ke ufok ŋkpokobi ke Egypt. Ema emek enye nte udiana andikara ke Egypt. Ke ufok Pharaoh, Joseph ekenyene nditeme mme owo se enamde, ŋko mmọ ekenyū enyene ndikop uyo esie. Baba owo kiet “idimenke ubok esie mme ukot esie ke ofuri isọ Egypt” ke mibohọ odudu ito Joseph.

Ŋkpokobi gold emi ekekeñde Joseph ekedi idiọñ odudu, ndien mkpanuen oro ekeme ndidi ekedi enye emi ekenyenede ufik-ŋkpọ edidem emi enye esidade efik idiọñ ke mme nwede utom esie. Ema enọ Joseph odudu ŋko ndisin ubok ke nwede edidem!

Edinam Akpanikọ Joseph

Joseph okosuk edi ekpři akparawa ke ini ekenode enye oruk ukpono oro, edi oro ikanamke enye okohore idem. Enye ama anam akpanikọ ke utom emi enye ekenyenede ndinam, Abasi ama onyū añwam enye ndinam nte ọfonde. Enye ama ọbọ itoro, ŋko edidem ama ọnọ enye enyiñ ukpono, ye ñwan, ke ŋkpọ nte isua itiaba enye ama enyene nditọ iren iba. Ekeme ndidi ufok esie ama odu ke emem, koro Abasi ama anam enye efre abañ mme ufen ye ufok ete esie. Kpukpru ini Abasi itreke ndinọ ikọt Esie utip edieke mmọ esọñde eda ke idomo. “Mme ufen ke usuñ iditiehe nte ŋkpọ ke ini isimde utit isañ.”

Eduke, Ndien Akañ

Abasi ama anam ikọ Esie osu kpa nte Joseph eketiñde, ndien isọ onwum ata ediwak mfri emi ekenimde ke mme obio kiet kiet tutu owo ndomo kiet ikemeke ndifiok ibat.

Ndien isua akañ itiaba edi. Nso utọ ufen ikpokpon ntem edieke mbeñe-idem mikpeduhe! Ufen edikpon adañ didie ọnọ mme mmọ emi mibeñeke idem ndisobo ye Abasi mmọ! Mmọ eyediọñ idaresit ndinen owo, edi eke mmọ ididighe ŋkpọ efen ibohoke ntuañ, esuene ye nta edet.

Nnyin ima ikop ite ke ini Abasi okokotde Abraham osio ke ison̄ mme okpono ndem, onyūñ adiañarede enye onim nte ete obufa idut emi Enye ekekemedede ndikot Esiemōñ, Enye onim enye nte uwut-ñkpọ. Abraham ama anam udeme esie ke uduak Abasi; ndien ediman Isaac, ekem Jacob etiene. Abasi ama ọñwọñọ ete ke Andinyaña edito ke ubon Abraham, ndien ọtọñode ke ini oro, ubon oro itreke.

Abasi ama okut ete ọkpọsōñ akañ eyedu ke ofuri ison̄, ndien ekpetie didie edieke ndimek ikọt Esie ekpekpañade biọn? Nso ikpetibe inọ uduak Esie? Edi Abasi ọfọfiok kpukpru ñkpọ, Enye idinyūñ iyakke baba ñkpọ kiet ọbiọñọ utom Esie.

Edinim Israel Uwem

Ndusuk ikeduhe obio efen emi ison̄ ọkpọfonde mbuñwum ndida mbok mme owo ke ofuri isua akañ itiaba. Mmọdo ke Egypt Abasi ama ọnọ ikọt Esie eti itie emi mmọ edikemedede ndidu uwem, onyūñ asiak usuñ ọnọ mmọ ndika do.

Owo ndomo kiet ikenyeneke ekikere ke ini emi ekenyamde Joseph ke Egypt ite ekedi kiet ke mme usuñ emi Abasi okonimde ndida mkpeme uwem ndimek ikọt Esie ke utọ ini emi ekpesobode mmọ ofuri-ofuri. Adaña didie ke Abasi ọfọn ido ye ikọt Esie! “Uwak ọniọñ ye ifiok Abasi edituñọ adaña didie! Mme ikpe Esie ekak owo ndiduñore adaña didie, onyūñ ayaña owo nditiene nde usuñ Esie?”

MME MBUME

- 1 Nte Pharaoh ama ọfiok ete ke Spirit Abasi odu ke Joseph?
- 2 Nso ke Joseph akanam nditre akañ?
- 3 Pharaoh ọkọdọhọ nditọ Egypt ete, “Enam se enye ọdọhode mbufo” Anie eketiñ ukem ikọ oro ke Obufa Ediomi?
- 4 Nso idi ntak emi Pharaoh okokotde Joseph ete edikabare mme ndap imọ?
- 5 Nte mme ndap Pharaoh ema esu ukem ukem nte Joseph akakabarede?